

2016-imi ilassutitut aningaasaliissutitut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

Inatsisissatut siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Randi V. Evaldsen, Demokraatit, siulittaasup tullia

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Bendt Kristiansen, Inuit Ataqatigiit

Inatsisartunut ilaasortaq Martha Lund Olsen, Siumut

Inatsisartunut ilaasortaq Ineqi Kielsen, Siumut

Inatsisartunut ilaasortaq Kelly Berthelsen, Inuit Ataqatigiit

Ulloq 25. april 2017-imi siullermeerinninnerup kingorna ataatsimiititaliap siunnersuut misissorpaa.

Imarisaanut nalunaarsuut:

1.	<i>Aallaqqaasiut</i>	3
2.	<i>Ilassutitut aningaasaliissutitut inatsit</i>	4
3.	<i>Naalakkersuisut 2016-imi Aningaasaqarnermut Akileraartarnermullu Ataatsimiitita-liamut aningaasaliissuteqarnissamik qinnuteqaataat</i>	6
4.	<i>2016-imi aningaasanut inatsit aamma 2016-imi ilassutitut aningaasaliissutitut inatsisissatut siunnersuut – kisitsisit pingaarnert aningaasaleeriaatsinullu agguataarinerit</i>	8
5.	<i>Oqaasertaliussanik allannguinerit (inatsisissatut siunnersuummi § 2)</i>	10
6.	<i>Sillimmatitut kontomit 20.11.50-imit atugassiissutiginninnerit</i>	11
7.	<i>Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai</i>	11
8.	<i>Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat</i>	12
9.	<i>2016-imi aningaasaliissuteqarnissamik sulissanut ataasiakkaanut oqaaseqaatit</i>	13
10.	<i>Aningaasaqarnermut Akileraartarnermullu Ataatsimiititaliap kaammattuutai</i>	14
11.	<i>Aningaasaqarnermut Akileraartarnermullu Ataatsimiititaliap oqaaseqaatai</i> :.....	15
12.	<i>Aningaasaqarnermut Akileraartarnermullu Ataatsimiititaliap inassuteqaatai</i>	15

1. Aallaqqaasiut

2016-imi ilassutitut aningaasaliissutitut inatsisissatut siunnersuut Aningaasaqarnermut Akileraartarnermullu Naalakkersuisumit Inatsisartut 2017-imi upernaakkut ataatsimiinneranni saqqummiunneqarpoq. Inatsisissatut siunnersuut siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Inatsisissatut siunnersuut Aningaasaqarnermut Akileraartarnermullu Ataatsimiititaliap suliaraa matumuunalu Inatsisartut inatsisissatut siunnersuummik aappassaaneerinninnissaannut isumaliutissiissuteqarluni.

Nunatta karsiata naatsorsuutai, Sanaartugassanut Iluarsagassanullu Aningaasaateqarfik aammalu missingersuutitut ingerlaavartumik malitseqartitsissutit ilassutitut aningaasaliissutitut inatsit peqatigalugu tassaapput pisortat aningaasaqarnermik aqutsineranni pingaarutilittut inissisimasut.

Ilassutitut aningaasaliissutitut inatsisip imarai aningaasaliissutitut allannguutit

Inatsisartunit,

Aningaasaqarnermut Akileraartarnermullu Ataatsimiititaliamit aamma

Naalakkersuisunit oqaasertaliussani piginnaatinneqarlutik akuerineqartut.

Pingartumik aningaasaliissutitut allannguutit Naalakkersuisunit akuerineqartut ilassutitut aningaasaliissutitut inatsisikkut Inatsisartunut ilaasortanit tamanillu aatsaat ataatsimoortumik takuneqarsinnaalersarput. Taamaattumik Naalakkersuisut allanngugaat taakku aningaasaqarnikkut anner-tuumik pingaaruteqarsinnaasut eqqortumik tunngaveqarluni pisimanersut nalilissallugu Aningaasaqarnermut Akileraartarnermullu Ataatsimiititaliaq – naggataatigullu Inatsisartut – suliaasaqarput annikinngitsumik.

Aningaasaliissuteqarnissamik qinnuteqaatit Naalakkersuisunit ukiup siuliani tiguneqartut ilaat isumaliutissiissummi matumani Aningaasaqarnermut Akileraartarnermullu Ataatsimiititaliamit paasissutissiissutigineqarput. Aalajangiinerit tamarmiusut Inatsisartut nittartagaanni <http://inatsisartut.gl-ip> ataani ingerlaqqiffissiami ”Aningaasaqarnermut Ataatsimiititaliap aalajangigai”-ni pissarsiarineqarsinnaapput.

Aalajangiinerit ilaat taakku arlallit aningaasaliissutinik allannguinerit aalajangersimasut kisiisa pin-nagit aammali maleruagassanik atuineq, inatsisinik qanoq paasinninnissaq kiisalu aningaasaqar-nikkut naalakkersuinikkullu anguniakkat pillugit tunngaviusumik isigineqartariaqartunik pingaa-rutilinnik aamma imaqarput.

Isumaliutissiissut ima aqqissugaavoq:

Isumaliutissiissutip matuma immikkoortuani 2-mi missingersuutit pillugit inatsimmi aalajanger-sakkat aammalu ilassutitut aningaasaliissutitut inatsisissatut siunnersuummik saqqummiussisar-nermut inatsisitigut tunngaviit ataatsimiititaliamit takussutissiissutigineqarput.

Aningaasanut inatsimmi 2016-imi angusassatut missingersuutigineqartumut sanilliullugu 2016-imi aalajangiinerit aningaasatigut kingunerisaat immikkoortuni 3-4-imi paasissutissiissutigineqarput.

Oqaasertaliussanut aningaasanullu inatsimmi sillimmatinut kontoni 2016-imi allannguinerit immikkoortoq 5, 6 aamma 7-imi misissorneqarlutillu naliliiffigineqarput.

Inatsisissatut siunnersuummi ajornartorsiutit, kukkunerit amigaatillu immikkoortoq 8-mi nassuiaateqarfigineqarput.

Aningaasaliissuteqarnissamik suliassat 2016-imi Aningaasaqarnermut Akileraartarnermullu Ataatsimiititaliamit suliarineqartut tunngaviusutut isigineqartariaqarnerpaat arlallit immikkoortoq 9-mi eqikkaavigineqarput. Ukiut siuliini ajornartorsiutaasimasut isumaliutigineqarsimasullu arlallit inernilivigineqarput, taamaattumillu immikkoortoq taanna isumaliutissiissummi pingaernerit ilaattut isigineqartariaqarpoq.

Ataatsimiititaliaq immikkoortoq 10-imi inatsisissatut siunnersuummut arlalinnik kaammattuuteqarpoq kiisalu immikkoortoq 11-imi inatsisissatut siunnersuummut ataatsimiititaliaq inassuteqaateqarluni.

Inatsisissatut siunnersuutip aappassaaneerineqarnissaanut taama oqaaseqarluni Aningaasaqarnermut Akileraartarnermullu Ataatsimiititaliaq matumuuna isumaliutissiissuteqarpoq.

2. Illassutitut aningaasaliissutinut inatsit

2.1 Illassutitut aningaasaliissutinut inatsisissatut siunnersuummik saqqummiussineq

§ 26, imm. 3-mi aalajangersarneqarpoq Naalakkersuisut illassutitut aningaasaliissutinut inatsisissatut siunnersuut kingusinnerpaamik ukiup aningaasanut inatsisip atuuffiata kingorna Inatsisartut ileqqusumik ataatsimiinnissaannut siullermut Inatsisartunut saqqummiuttassagaat. Taamaalilluni pineqartoq tassaavoq aningaasaliissutaareersunut inatsit, Suleriaaseq pillugu Ataatsimiititaliap aamma Aningaasaqarnermut Akileraartarnermullu Ataatsimiititaliap siusinnerusukkut aalajangiannik aalajangersakkatigut tunngavissiisoq.

Aningaasaliissutaareersunut inatsisip pineqarnerata kingunerisaanik 2016-imi aningaasanut inatsit aamma 2016-imi illassutitut aningaasaliissutinut inatsit katillutik aningaasaliissutit oqaasertaliussallu 2016-imi atuuttut suunerinik takussutissiisussaapput. Taamaalillutik aningaasaliissutit 2016-imi aningaasanut inatsimmi aamma 2016-imi illassutitut aningaasaliissutinut inatsimmi ilaatinneqartut, taakkunungalu ilanngullugit sanaartugassanut tunngasuni suliassanut aningaasaliissutit, Nunatta Karsiata 2016-imi naatsorsuutaanut aamma 2016-imi Sanaartugassanut Iluarsagassanullu Aningaasaateqarfik pillugu Nassuiaammut tunngaviupput. Nunatta Karsiata naatsorsuutai Sanaartornerlu pillugu Nassuiaat Inatsisartut upernaakkut ataatsimiinneranni nalinginnaasumik saqqummiunneqartarput.

2.2 Ilassutitut aningaasaliissutitut inatsisip imarisai

Ilassutitut aningaasaliissutitut inatsisip imarisarpaa inatsisip ileqqussat naapertorlugit oqaasertaa, ukununnga tunngasunik nalinginnaasumik marlunnik paragrafeqartartoq:

- *aningaasaliissutit* allannguutaat, aamma
- *oqaasertaliussat* allannguutaat.

Ilassutitut aningaasaliissutitut inatsimmiittarpoq *Aningaasaliissutitut takussutissiaq*, ilanngussaq 1, kontonut pingaarnernut allannguuteqartunut tunngatillugu aningaasanut inatsimmi aningaasaliissutitut, ilassutitut aningaasaliissutitut aamma aningaasaliissutitut tamarmiusunik ilaatigut takussutissiisoq.

Taakku saniatigut ilassutitut aningaasaliissutitut inatsisip imarai *inatsisip oqaasertaanut nassuiaatit*. Nassuiaatit imaraat:

- *missingersuutitut ilanngussat*, ilassutitut aningaasaliissutitut ataasiakkaanut tunngatillugu missingersuusiornermi tunngavilersuutitut imallit, kiisalu
- *oqaasertaliussanut nassuiaatit*.

Taakku saniatigut ilassutitut aningaasaliissutitut aningaasaleeriaatsinut, oqartussaaffeqarfinnut suliasaqarfinnullu agguataarnerinut takussutissiaq Naalakkersuisut 2016-imi ilassutitut aningaasaliissutitut inatsisissatut siunnersuutaanni ilanngunneqarsimavoq.

2.3 Aningaasaliissutitut allannguinnissamik qinnuteqaateqarnissamut piunasaqaatit

Missingersuusiornermut inatsimmi § 28, imm. 2-mi aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit taamaallaat tassaassasut

- *pingaarutillit*, aamma
- aningaasanut inatsisissap suliarinerani *sillimaffigereerneqarsinnaasimannigitsunut* tunngasut.

Ulluinnarni periususartut naapertorlugit Aningaasaqarnermut Naalakkersuisoq Naalakkersuisut sinnerlugit aningaasaliissutitut allanngortinneqarnissaannik qinnuteqaammik Aningaasaqarnermut Akileraartarnermullu Ataatsimiititaliamut nassiussisarpooq. Pappialat atortussat nassiunneqartut kontonut pingaarnernut, aningaasaliissutitut allanngortitsiffiginiarlugit qinnuteqaatigineqartunut, missingersuutitut ilanngussanik imaqartussaapput.

Taamaalilluni *allannguutissatut qinnuteqaatigineqartup nassuiarnerata tunngavilersuutitaatalu* suliap nalilersuiffiginissaanut naammattumik sukumiissuseqarnissaat pingaaruteqarpoq. Erseqqisarneqassaaq *allannguutip aningaasanut inatsimmi tunngavissaatitaasunut naleqqiullugu qanoq ittuunera pingaarnarpaatinneqassammat*.

2.4 Aningaasaliissutit iliuitsillu oqaasertaliussatigut aalajangersakkanik tunngavillit

Missingersuusiormut inatsimmi § 25 - § 29-mi aningaasaliissutit nutaat allanngortitalluunniit pillugit aalajangersakkat malittarisassiuunneqarput, taamaalillutillu ilassutitut aningaasaliissutitut inatsimmi aalajangersakkat tunngaviusut taakkunani malittarisassiuunneqarput. § 25, imm. 1-imi aalajangersarneqarpoq:

„ukiup aningaasanut inatsisip atuuffiata ingerlanerani nutaanik aningaasaliissuteqarnissamut oqaasertaliussaqarnissamullu imaluunniit aningaasaliissutit oqaasertaliussanilluunniit allanngortitsinissamut piumasaqaataasoq Inatsisartut Aningaasaqarnermut Akileraartarnermullu Ataatsimiititaliaat Inatsisartut sinnerlugit akuersissuteqaqqaarsimassasoq.“

Aalajangersakkakut tassuuna ilaatigut erseqqissarneqarpoq aningaasartuutit aningaasanut inatsimmi tunngavissaatitaasunit allaasut Aningaasaqarnermut Akileraartarnermullu Ataatsimiititaliaq sioqqutsisumik akuersissuteqareersimatinnagu aningaasartuutigeqqusaanngitsut.

§ 26-mi aalajangersarneqarpoq:

“...ukiup aningaasanut inatsisip atuuffiata ingerlanerani nutaanik aningaasaliissutigineqartut oqaasertaliunneqartullu imaluunniit aningaasaliissutit oqaasertaliussallu allanngortinneqartut aningaasaliissutigineqarnermik kingorna ilassutitut aningaasaliissutitut inatsimmut ilanngunneqartassasut.”

2.5 Aningaasartuutit isertitanillu nakkutillineq

Missingersuutit pillugit inatsit naapertorlugu missingersuutit pillugit ilisimatitsissummik ataatsimik ukiumoortumik Inatsisartunut saqqummiussinissaq Naalakkersuisut taamaallaat pisussaaffigaat. Tassani augustip naanerani missingersuutitut kisitsisit tunngaviugajuttarsimapput. 2005-imili taamani Aningaasaqarnermut Ataatsimiititaliaasup Naalakkersuisuusullu isumaqatigiissutigaaq aprilip naanerani pisariaqartitsinernilu allani missingersuutitut ilisimatitsissut ilanngullugu Naalakkersuisut siunissami suliarisalissagaat.

Piffissamut 2016-imi januarimit septemblemis missingersuutit pillugit ilisimatitsissummik Naalakkersuisut aatsaat ulloq 19. januar 2016 nassiussimmata ataatsimiititaliamit oqaatigineqassaaq. Ataatsimiititaliamit kissaatiginartinneqarneruvoq piffissamut januarimit augustimut missingersuutit pillugit ilisimatitsissut ukiakkut ataatsimiinnerit aallartinneritut atatillugu nassiunneqartarpat.

3. Naalakkersuisut 2016-imi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat

Aningaasaqarnermut Akileraartarnermullu Ataatsimiititaliap aningaasaleeriaatsit uku allanngortinneqarnissaat nalinginnaasumik suliarisarpaa:

- *Ingerlatsinermut aningaasaliissutit*
- *tapiissutitut aningaasaliissutit, aamma*
- *sanaartornermut aningaasaliissutit.*

Taakku avataatigut soorunami ilaapput oqaasertaliussat suliassallu allat, pissutsit immikkut ittut pissutigalugit Naalakkersuisut atugassiinissaminni ataatsimiititaliamut akuerittittariaqarsimasaat.

Nutaatut aningaasaliissuteqarnissamik aningaasaliissutinilluunniit allanngortitsinissamik, oqaasertaliussassatut siunnersuutitut kiisalu immikkut ittumik atugassiissuteqarnissamik Naalakkersuisut qinnuteqaatitut saqqummiussa 39-t Aningaasaqarnermut Akileraartarnermullu Ataatsimiititaliamit 2016-imi suliarineqarput. 2016-imi ukiunilu siuliini suliat amerlassusiat takussutissiami ataaniittumi takuneqarsinnaavoq.

Ukioq	Suliat amerlassusiat
2001	66
2002	48
2003	57
2004	82
2005	69
2006	56
2007	84
2008	93
2009	58
2010	64
2011	44
2012	51
2013	36
2014	31
2015	22
2016	39

Kisitsisinit takuneqarsinnaasutut suliassat ataatsimiititaliamit suliarineqartussat 2008-mili ikiliartuaarsimasutut isikkoqarput. Tamanna pitsaasuvoq, tassami aningaasaliissuteqarnissamik Aningaasaqarnermut Akileraartarnermullu Ataatsimiititaliamut amerlasuunik suliassanngortitsisarneq nunatta karsiata aningaasartuutaanik ataatsimut pingaarnersuinerup aningaasanut inatsimmi takuneqarsinnaanissaanik missingersuusiortarnermut inatsimmi tunngavissaritinneqartumut ikorfartuutaasutut isigineqarsinnaanngimmat.

Suliassat aalajangiiffigisassat 39-t pineqartut Aningaasaqarnermut Naalakkersuisumit tiguneqarnermik kingorna ataatsimiinnermi tullermi Aningaasaqarnermut Akileraartarnermullu Ataatsimiititaliamit nalinginnaasumik suliarineqartarsimapput.

Suliassanit 39-nit taaneqartunit 14-it (35 %-it missaata nalingi) piffissami 1. septemberimit 2016-imi decemberip naanissaata tungaanut Naalakkersuisunit suliarineqarsimasut Aningaasaqarnermut Akileraartarnermullu Ataatsimiititaliap paasissutissiissutigisinnaavaa. Taama amerlatiginerannut pissutaasinnaavoq 2016-imut aningaasanut inatsisip aatsaat ulloq 12. maj 2016-imi akuerineqarnera.

Ukiuni siuliini ima agguataarsimapput:

2004-mi sep. – dec. suliassanit 82-init 44-t suliarineqarsimapput, tassa 54 %-it nalingi.
 2005-imi sep. – dec suliassanit 69-init 35-t suliarineqarsimapput, tassa 51 %-it nalingi.
 2006-imi sep. – dec suliassanit 56-init 30-it suliarineqarsimapput, tassa 54 %-it nalingi.
 2007-imi sep. – dec suliassanit 84-init 31-it suliarineqarsimapput, tassa 37 %-it nalingi.
 2008-mi sep. – dec suliassanit 93-init 28-it suliarineqarsimapput, tassa 30 %-it nalingi.
 2009-mi sep. – dec suliassanit 58-init 28-it suliarineqarsimapput, tassa 48 %-it nalingi.
 2010-mi sep. – dec suliassanit 64-init 30-t suliarineqarsimapput, tassa 47 %-it nalingi.
 2011-mi sep. – dec suliassanit 44-init 14-it suliarineqarsimapput, tassa 32 %-it nalingi.
 2012-imi sep. – dec suliassanit 51-init 23-it suliarineqarsimapput, tassa 45 %-it nalingi.
 2013-imi sep. – dec suliassanit 36-init 13-it suliarineqarsimapput, tassa 36 %-it nalingi.
 2014-imi sep. – dec suliassanit 31-nit 11-t suliarineqarsimapput, tassa 35 %-it nalingi.
 2015-imi sep. – dec suliassanit 22-nit 12-t suliarineqarsimapput, tassa 54 %-it nalingi.

Ukiup taamaalereernerani qinnuteqartoqartillugu aningaasat atorneqareerneranni aningaasaliissuteqarnissaq pineqartoq aarleqqutigineqarsinnaavoq. Taamaattumik ajornartorsiut taanna Naalakkersuisunit suli eqqumaffigineqartariaqarpoq, missingersuusiornermummi inatsit unioqqutillugu aningaasat atorneqareersut aningaasaliissutinik akuersissuteqarnissaq Aningaasaqarnermut Akileraartarnermullu Ataatsimiititaliamit kissaatigineqanngimmat.

Aalajangiiffigisassatut siuliassat pineqartut 39-t 2016-imeersut Aningaasaqarnermut Akileraartarnermullu Ataatsimiititaliamit ima amerlatigisoriarluni suliarineqarput:

Suliassat 30-t ataasiarluni suliarineqarput aammalu
 suliassat 8-t arlaleriarluni suliarineqarput
 suliassaq ataaseq Naalakkersuisunit tunuartinneqarpoq.

Suliassani 36-imi Naalakkersuisut inassuteqaataat ataatsimiititaliamit akuerineqarput.

Suliassani marlunni Naalakkersuisut inassuteqaataat ataatsimiititaliamit akuerineqanngillat aammalu oqaatigineqartutut suliassaq ataaseq Naalakkersuisunit tunuartinneqarpoq.

Suliassami ataatsimi Naalakkersuisut inassuteqaataat ataatsimiititaliamit ilaannakortumik akuerineqarput.

4. 2016-imi aningaasanut inatsit aamma 2016-imi ilassutitut aningaasaliissutinut inatsisissatut siunnersuut – kisitsisit pingaarnerit aningaasaleeriaatsinullu agguataarinerit

4.1 Kisitsisit pingaarnert aningaasanngorlugit

2016-imi aningaasanut inatsimmi aamma 2016-imi ilassutitut aningaasaliissutitut inatsisissatut siunnersuummi kisitsisit pingaarnert aningaasanngorlugit takussutissiarineqarnerat 2016-imi ilassutitut aningaasaliissutitut inatsisissatut Naalackersuisut siunnersuutaata danskisuuani qupperneq 27-imi kalaallisuuani qupperneq 29-mi takuneqarsinnaapput, taakkulu innersuussutigineqarput.

Suliassat Naalackersuisunit akuerineqartut 10-t ilanngullugit suliassat katillugit 46-t akuerineqarput. Suliassat IST-p inernerisassaattut missingersuutitut sunniuteqanngillat. Taamaattumillu 2016-imi IST-mi amigartoorutissatut missingersuutigisat katillutik 100,1 mio. kr.-iupput. Ilassutitut aningaasaliissutitut akuerineqartut kinguneraat IS-imi angusassatut missingersuutigineqartut 203,5 mio. kr.-inik ajorseriarnerat, taamaalillunilu ukiumut aningaasanut inatsiseqarfimmut 2016-imut IS-imi amigartoorutissatut missingersuutigineqartut 260,3 mio. kr.-iullutik. Ajorseriaatip taassuma annertunersaa Kalaallit Airports A/S-imut 200 mio. kr.-inik ilassutitut aningaasaliissuteqarnermik pissuteqarpoq.

Matumani eqqaamasariaqarpoq angusassatut *missingersuutit* inaarutaasumillu *naatsorsuutitigut angusat* assigiinngimmata. 2016-imi inaarutaasumik naatsorsuutitigut angusat 2016-imi Nunatta Karsiata naatsorsuutaani, Inatsisartut upernaakkut ataatsimiinneranni saqqummiunneqarlutillu siullermeerneqartussatut naatsorsuutigineqartumi takuneqarsinnaapput.

4.2 Ilassutitut aningaasaliissutit (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut

Inatsisissatut siunnersuummi ilaapput ilassutitut aningaasaliissutit ukuninnga akuersissutigineqartut

- Naalackersuisunit, oqaasertaliussanik innersuussinikkut
- Aningaasaqarnermut Akileraartarnermullu Ataatsimiititaliamit
- Inatsisartunit/Inatsisartut Suleriaaseq pillugu Ataatsimiititaliaannit

Aningaasaliissutit allannguutaat aalajangersimasut *Aningaasaliissutitut takussutissiami, inatsisissatut siunnersuummi ilanngussaq 1-imi*, takuneqarsinnaapput. Allannguutit ataasiakkaat missingersuutitut ilanngussartaqarput, taakkunanilu allannguutit erseqqinnerusumik nassuiarneqarput. *Ilanngussaq 1-imi taamatullu missingersuutitut ilanngussani takuneqarsinnaassaaq* Aningaasaqarnermut Akileraartarnermullu Ataatsimiititaliaq Naalackersuisulluunniit imaluunniit Inatsisartut Suleriaaseq pillugu Ataatsimiititaliaat aningaasaliissutitut ilannguisoqarnissaanik qanga akuersisimanersut suliarlu sorleq pineqarnersoq.

4.3 Naalackersuisut oqaasertaliussamut innersuussillutik akuersissutigisaat

Oqaasertaliussat tunngavigalugit aningaasaliissutitut nuussinerit amerlasuut Naalackersuisunit akuersissutigineqarput. Nuussinerit takku ataatsimut isigalugu ilanngaattissat ilanngaatigereerlugit missingersuutitut sunniuteqanngillat.

Naalakkersuisut aalajangiineranni tunngavissaatitaasut eqquutsinneqarsimanersut Aningaasaqarnermut Akileraartarnermullu Ataatsimiititaliap erseqqinnerusumik naliliiffigisimavaa. Isumaliutissiisutip immikkoortuani 7.3-mi allassimasut innersuussutigineqarput.

4.4 Aningaasaqarnermut Akileraartarnermullu Ataatsimiititaliamit akuersissutigineqartut

Ingerlatsinermut aningaasaliissutit

Ingerlatsinermut aningaasaliissutinik allannguinerit ilanngaatisat ilanngaatigereerlugit 17,673 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitigut ajorseriaat).

Tapiissutit aningaasaliissutit

Tapiissutit aningaasaliissutinik allannguinerit ilanngaatisat ilanngaatigereerlugit 196,892 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitigut ajorseriaat).

Aningaasaliissutit inatsisitigut pisussaaffigisat

Aningaasaqarnermut Akileraartarnermullu Ataatsimiititaliamit aningaasaliissutinik inatsisitigut pisussaaffigisanik allanquinissamik akuersissuteqartoqanngilaq, tamannalu missingersuusiornermut inatsimmi § 27-mut naapertuuppoq.

Isertitassat aningaasaliissutit

Isertitassat aningaasaliissutinik allanquinissamik Aningaasaqarnermut Akileraartarnermullu Ataatsimiititaliaq 2016-imi ilanngaatisat ilanngaatigereerlugit 0 kr.-inik sunniuteqartussamik akuersissuteqarsimavoq (Missingersuutinut sunniuteqanngitsumik).

Sanaartugassanut aningaasaliissutit

Sanaartugassanut aningaasaliissutinik allanquinissamik qinnuteqaatit ilanngaatisat ilanngaatigereerlugit -214,565 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput (Missingersuutitigut pitsanngoriaat).

4.5 Inatsisartut Suleriaaseq pillugu Ataatsimiititaliaannit akuersissutigineqartut (suliassaqarfik 01)

Soqanngilaq.

5. Oqaasertaliussanik allannguinerit (inatsisissatut siunnersuummi § 2)

Oqaasertaliussat tallimat inatsisissatut siunnersuummi ilanngunneqarput. Oqaasertaliussat akuerineqartut taakku 2016-imi aningaasanut inatsimmi oqaasertaliussat taamaaqqataat taarserpaat/ilasuserpaat. Taakku tallimat Aningaasaqarnermut Akileraartarnermullu Ataatsimiititaliap akuersissuteqarnera tunngavigalugu ilanngunneqarput.

6. Sillimmatinut kontomit 20.11.50-imit atugassiissutiginninnerit

2016-imut aningaasanut inatsit kontomi pingaarnermi 20.11.50-imi ingerlatsinermut sillimmatinik 10,0 mio. kr.-inik ilaqartillugu akuersissutigineqarpoq. Ukiumi aningaasanut inatsiseqarfiusumi 2016-imi ingerlatsinermut sillimmatinit 15,705 mio. kr.-it atugassiissutigineqarput, taakkulu aningaasaliissuteqarnissamik suliassanut 13-imut atatillugu akuersissutigineqarlutik, tamatumalu kingorna aningaasaliissutit aningaasaliissuteqarnissamik suliassanut 16/744-mut atatillugu nungullugit atorineqarput.

Sillimmatinut kontonit aningaasalersugaasunik suliniutinik nutaanik piviusunngortitsinerup aallartitsinerullu missingersuusiornermut inatsimmi § 5, ukiumi aningaasanut inatsiseqarfiusumi Inatsisartut aningaasaqarnermik ataatsimoortumik tulleriarinerannik aningaasanut inatsisip ersersitsisuunissaanik aalajangersaasoq, naapertorlugu pinissaa pingaaruteqarpoq. Taamatut ataatsimoortumik tulleriarinerermut taarsiullugu atorineqarsinnaavoq "ingerlaavartumik tulleriarineq", taannali tulleriarineruinngilaq, tassaallunili inuiaqatigiit aningaasaataannik nalaatsortumik pitsaanerpaajunngitsumillu atuineq.

Tamatuma saniatigut Namminersorlutik Oqartussat aqutsivianni piviusorsioortumik missingersuusiortarnissamut missingersuutinillu malitseqartitsarnissamut kajumilersitsinissaq pisariaqartoq qulakkeerneqarsinnaaqullugu aningaasanut inatsisini sillimmatitut aningaasaliussat aallaavittut isigalugu sapinngisamik killeqartinneqarlutillu siunertamut aalajangersimasumut immikkoortinneqartariaqarnerat ukiut siuliinisulli Aningaasaqarnermut Akileraartarnermullu Ataatsimiititaliamit oqaatigineqassaaq.

7. Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai

7.1 Ataatsimut isigalugu

Aningaasanut inatsimmi oqaasertaliussat aammalu oqaasertaliussat, Aningaasaqarnermut Akileraartarnermullu Ataatsimiititaliamit kingusinnerusukkut akuersissutigineqartut 2016-imilu ilassutitut aningaasaliissutinut inatsimmi ilanngunneqartut naapertorlugit kontot pingaarnert assigiinngitsut kiisalu sanaartornerup iluani suliassat akornanni nuussinissanut Naalakkersuisut piginnaatinerqarput.

Nuussinissat akuersissutigineqarsimatillugit aningaasaliissutinik allannngortitsinerit pinerit tamaasa inatsisissatut siunnersuummi aningaasaliissutinut takussutissiap, *ilanngussaq 1*-ip, immikkoortortaani (kolonne) ilanngunneqartarput. Missingersuutinut ilanngussani nuussinernut tunngavilersuutit aammalu Naalakkersuisut ulloq akuersissutiginniffiat allassimassapput. Kiisalu oqaasertaliussat, nuussinissamut tunngaviliisuusut pillugit paasissutissat nalunaarneqassapput.

7.2 Sulisorisat pillugit paasissutissat

Missingersuusiornermut malittarisassami 2008-meersumi immikkoortoq 5.2 Aningaasaqarnermut Akileraartarnermullu Ataatsimiititaliamit innersuussutigineqassaaq, tassani sulisorisanut tunngatil-

lugu paasissutissiissutigineqartussat pillugit malittarisassanik ajunngilluinnartunik Naalakkersuisut aalajangersaapput.

Suliffiit aalajangersimasumik amerlassusilikkat pineqannginnerat erseqqissarneqarsinnaaqqullugu aningaasaliissutitut inatsisissani aggersuni sulisorisassatut naatsorsuutigisat pillugit takussutissiani ukioq naallugu sulisorisat atorineqartalermissaat Aningaasaqarnermut Akileraartarnermullu Ataatsimiititaliap ukioq manna **aammaarluni** siunnersuutigissavaa. Taamaalilluni oqariaaseq ukioq naallugu sulisorisat eqqornerusutut isigineqarpoq, soorlutaaq sulisorisassatut naatsorsuutigisat aalajangersimasumik atorfitut paatsoorneqarlutik paasineqarsinnaanerit killilerneqassasoq.

7.3 Naalakkersuisut aningaasaliissutinik nuussineranni inatsisitigut tunngavissat

Inatsisitigut tunngavissaatitat naapertorlugit Naalakkersuisut nuussineri pisimanersut Aningaasaqarnermut Akileraartarnermullu Ataatsimiititaliamit erseqqinnerusumik naliliiffigineqarsimavoq. Ataatsimut isigalugu pissutsinik tamatumunnga naapertuutinnigitsunik ataatsimiititaliap nalaataqarsimangilaq.

8. Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat

8.1 Nalinginnaasumik oqaaseqaatit

Aallaqqaasiutigalugu isumaliutissiisummi immikkoortoq 3 innersuussutigineqarpoq, tassani suliat amerlassusiat, qinnuteqaatinik Aningaasaqarnermut Akileraartarnermullu Ataatsimiititaliap suliarininnerata inernerit naapertorlugit agguataakkamik nalunaarsorneqarsimallutik.

Aalajangiinerni arlalinni ilassutitut paasissutissanik missingersuutinulluunniit ilanngussanik nutaanik Naalakkersuisut ataatsimiititaliamit qinnuigineqarput. Taakku pisariaqarnera naapertorlugi aalajangiinerni ataasiakkaani aamma taaneqarput.

Ilaatigut ilusiligaanermikkut inissitsiterneqarnermikkullu assigiissaarneqarnissaasa kiisalu aningaasaliissutitut tunngasut nassuiarneqarnerisa pitsaasuunissaasa qulakkeerneqarnissaat siunertaralugu missingersuutinut ilanngussat ilassutitut aningaasaliissutitut inatsisissatut siunnersuummi ilanngunneqannginneranni Naalakkersuisunit misissorneqartarnissaat Aningaasaqarnermut Ataatsimiititaliamit nalinginnaasumik naatsorsuutigineqarpoq.

8.1.1 Sillimaffiginnissinnaasimanginnissamik inatsimmi piunasaqaat

Ataatsimut isigalugu ukiumi qaangiuttumi aningaasaliissuteqarnissamik suliasat tunngavigalugit missingersuusiordermut inatsimmi § 28, imm. 2-p ataqqineqarnissaata erseqqissarneqarnissaa pisariaqarsorinarpoq. Aalajangersakkakut aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allannortitsisoqarnissaanik qinnuteqaatit taamaallaat aningaasaqarnikkut iliuusissanut *pingaarutilinnut* aammalu aningaasanut inatsisissap suliarinerani *sillimaffigereerneqarsinnaasimangitsunut* tunngasuusassasut.

Suliassat taamaattut 2016-imi amerlagisassaanninnerat ataatsimiititaliamit nuannaarutigineqarpoq.

9. 2016-imi aningaasaliissuteqarnissamik suliassanut ataasiakkaanut oqaaseqaatit

Aningaasaliissuteqarnissamik qinnuteqaatit pillugit sulianut ataasiakkaanut ataatsimiititaliaq matuma kingulianiittunik oqaaseqaateqassaaq aammalu ataatsimiititaliap aalajangigai Inatsisartut nittartagaanni <http://inatsisartut.gl-ip> ataani ingerlaqqiffissiami ”Aningaasaqarnermut Ataatsimiititaliap aalajangigai”-ni pissarsiarineqarsinnaasut innersuussutigissallugit.

9.1 Ilaasunik angallassinermut kiffartuussinissamut isumaqatigiissutinik sivitsuinissaq pillugu isumaqatiginninniarnissamut piginnaatitsissut. - Suliaq nr. 01.31.06/16-00715.

Suliassat 2016-imi Aningaasaqarnermut Akileraartarnermullu Ataatsimiititaliamit suliarineqartut ilaat innuttaasunit immikkut eqqumaffigineqarpoq. Suliaq ilaasunik angallassinermi kiffartuussinissamik isumaqatigiissutinut tunngavoq. Kiffartuussinissamik isumaqatigiissuteqarnissamut atatillugu Aningaasaqarnermut Akileraartarnermullu Ataatsimiititaliap suliassaa tassaasimavoq isumaqatiginninniarnissamut Naalackersuisunut piginnaatitsissuteqarnissap akuerinissaa. Kiisalu angallassinermut isumaqatigiissutit ataatsimiititaliamit oqaaseqarfiginissaat qulakkeerqarsimavoq. Konto pingaarnermut 72.20.05-imut, ilaasunik angallassinermut tapiissutinut tunngasumut, oqaasertaliussaq naapertorlugu isumaqatiginninniutissaq aningaasatigut atugassarititaasunik angallaviusussallu ataasiakkat qanoq akulikitsigisumik tikinneqartarnissaannik imaqarpoq.

Kiffartuussinissamut isumaqatigiissutip imarisai ataatsimiititaliamit maanna oqaaseqarfigineqassanngillat, kiffartuussinissamulli isumaqatigiissutit piginnaatitsissummut aningaasanut inatsimmi oqaasertaliussat naapertorlugit tunniunneqartumut eqquutsinersut isummerfigineqassalluni.

Oqaasertaliussaq naapertorlugu piffissamut 1. januar 2017-imit – 31. december 2020-mut isumaqatigiissuteqarnissamut Naalackersuisut piginnaatinneqarput. Isumaqatigiissutit ukiuni tallimani atuuffiini aningaasanut killiliussat 614, 5 mio. kr.-inik annertussuseqartut sinernerqassanngillat, taakku ukiumut 122,9 mio. kr.-it naligaat.

Isumaqatigiissutit atsiukkat Naalackersuisut ataatsimiititaliamut namminneerlutik nassiutinngimatigit nassuineqarnissaannik kissaat ataatsimiititaliamit ulloq 25. januar 2017-imi nassiunneqarpoq. Qaammat ataaseq qaangiuttoq ulloq 24. februar 2017-imi kiffartuussinissamut isumaqatigiissutit assilinerat ataatsimiititaliamut nassiunneqarpoq. Kiffartuussinissamik isumaqatigiissutit inaarutaasut misissorneqarnerisa takutippaat angallannermik suliassanit 11-nit suliassani 7-ini piffissaq kiffartuussinissamik isumaqatigiissuteqarfissaq pillugu oqaasertaliussami aalajangersagaq Naalackersuisunit qaangerneqarsimasoq.

Kiisalu kiffartuussinissamik isumaqatigiissutit sivitsorneqarsinnaanerannik periarfissamik, tamanna pillugu oqaasertaliussami aalajangersakkamik, qaangiisumik isumaqatigiissuteqartoqarsimavoq. Aammattaaq ataatsimiititaliamit oqaatigineqassaaq angallannermik isumaqatigiissutinut 4/5, 6 aamma 7-imut tunngatillugu piffissap isumaqatigiissuteqarfiusup katillugu ukiunik 8 ½-inik sivisus-

suseqarsinnaanera isumaqatigiissutigineqarsimasoq. Tassa oqaasertaaliussakkut piginnaatitsissutigineqartumit ukiunik 2 ½-inik sivisunerusoq. Angallannermik suliassat sinnerini 7-ini ukiut sisamat tikillugit sivitsuisoqarsinnaanera isumaqatigiissutigineqarsimavoq. Tassa oqaasertaliussaq malillugu piginnaatitsissummit ukiunik 3-nik sivisunerusumik.

Taamaalillutillu Aningaasaqarnermut Akileraartarnermullu Ataatsimiititaliamut tamanna pillugu paasiniaaqaaratik, immikkut ilisimatitsissuteqaratik tamatumaluunniit kingorna qinnuteqarnatik Naalakkersuisut isumaqatigiinniarnissamut piginnaatitsissut annertuumik qaangersimavaat.

Aningaasaqarnermut Akileraartarnermullu Ataatsimiititaliaq siullermilli akissutitut allakkiamini 28. april 2016-imeersumi ilaatigut ima allappoq:

"Piffissaq isumaqatigiissutip atuuffia:

Isumaqatigiissutit piffissaq atuuffigisassaat kiffartuussinissamut isumaqatigiissutiniittoq oqaluuserissallugu Aningaasaqarnermut Akileraartarnermullu Ataatsimiititaliap tunngavisasaqarsorinngilaa. Oqaasertaliussamik tunngaveqarlutik ukiunut arlalinmut atuuttussanik Naalakkersuisut isumaqatigiissuteqarsinnaatitaapput. Kiffartuussinissamik isumaqatigiissuteqarnissamut piginnaatitsissut piffissamut 1. januar 2017-imit 31. december 2020-mut atuuppoq. Inatsisartut imaluunniit Inatsisartut sinnerlugit Aningaasaqarnermut Akileraartarnermullu Ataatsimiititaliap allamik aalajangernissaasa tungaannut piginnaatitsissutip taassuma aalajangiusimaneqarnissaa ataatsimiititaliamit aalajangiusimaneqarpoq. Tamanna aamma atuuppoq isumaqatigiissutinik sivitsuinissamut piginnaatitsissummut tunngatillugu. Kiisalu ataatsimiititaliaq isumaqarpoq kiffartuussinissamut isumaqatigiissutit sivissusiat attaveqarnikkut ingerlaavartumik ingeriartornermut atatillugu isigineqartariaqartoq, taamaaliornikkut piffissamut sivisuallaamut Namminersorlutik Oqartussat pituttoqunagit."

Taamaalillunilu piginnaatitsissutip aammalu piffissap pitutorfiussap attanneqarnerat ataatsimiititaliamit Naalakkersuisunut erseqqissaassutigineqarpoq.

Taamaattumillu iliuutsitik pillugit Aningaasaqarnermut Akileraartarnermullu Ataatsimiititaliamut sukulluunniit Naalakkersuisut paasiniaasimanninnerat imaluunniit immikkut ilisimatitsisimanninnerat ataatsimiititaliamit assut isornartoqartinneqarpoq. Taamaalillutillu Naalakkersuisut piumasagaataasutut Inatsisartunit imaluunniit Aningaasaqarnermut Akileraartarnermullu Ataatsimiititaliamit inatsisitigut immikkut piginnaatitsissuteqaratik piffissamik kiffartuussinissamik isumaqatigiissuteqarfiusumik sivitsuisimapput aammalu isumaqatigiissutinik sivitsuinissamut periarfissiisutaasumit sivisunerungaartumik isumaqatigiissuteqarsimallutik.

10. Aningaasaqarnermut Akileraartarnermullu Ataatsimiititaliap kaammattuutai

2015-imi ilassutitut aningaasaliissutinut inatsisissatut siunnersuummik kiisalu Naalakkersuisut aningaasaliissutinut allannguutissatut siunnersuutaannik sularinninnermini taakkunanggalu malitse-

qartitsisarnermit misilittakkani tunngavigalugit Naalakkersuisunut kaammattuutunik arlalinnik ukuningga saqqummiussinissaminut Aningaasaqarnermut Akileraartarnermullu Ataatsimiititaliaq pissutissaqarsorivoq:

Kaammattuut nr. 1

Ilaatigut sullissinissamik isumaqatigiissutit aqutigalugit tapiissuteqartarnej pillugu ilassutitut aningaasaliissuteqarnissamik qinnuteqaatinik piffissaq eqqorlugu pilertortumillu nassiussisarnissaq nalinginnaasumik qulakkeertaqqullugu Naalakkersuisut Aningaasaqarnermut Akileraartarnermullu Ataatsimiititaliamit **kaammattorneqarput**, taamaalilluni qinnuteqaatit taamaattut siumut sunniuteqartussanngorlugit akuerineqarsinnaaqqullugit.

Kaammattuut nr. 2

Ilassutitut aningaasaliissuteqarnissamik qinnuteqaatinik pinngitsoortinneqarsinnaasimagaluartunik nassiussisarnerit pinngitsoortinneqarsinnaaqqullugit Naalakkersuisut suliani tamani piffissaagallartillugu peqqissaarussisarnissamik Aningaasaqarnermut Akileraartarnermullu Ataatsimiititaliamit **kaammattorneqarput**.

Kaammattuut nr. 3

Qinnuteqarnikkut tapiissutinik tunniussisarnermut piumasaqaatit aningaasanut inatsimmi missingersuutitut ilanngussani ataasiakkaani nassuiaatigineqartut atorneraranni peqqissaarussisarnissamik Naalakkersuisut Aningaasaqarnermut Akileraartarnermullu Ataatsimiititaliamit **kaammattorneqarput**. Tunngavilersuut tulluanngitsoq suliamik ingerlatsinissamut aningaasanut inatsimmi piumasaqaatinut attuumassuteqanngitsoq innuttasut inatsisitigut illersugaanerannik sanngiillisitsisutut ataatsimiititaliamit isigineqarpoq.


11 Aningaasaqarnermut Akileraartarnermullu Ataatsimiititaliap oqaaseqaatai:

Ilaasunik angallassinermut kiffartuussinissamut isumaqatigiissutinut tunngatillugu (nr. 1) Piginnaatitsissutinik aningaasanut inatsimmi oqaasertaliussani allassimasunik Naalakkersuisut malinnissimanninnerat, taamaalillutillu isumaqatiginninniarnissamut piginnaatitsissummik Inatsisartunit akuerineqartumik unioqqutitsisimanerat Aningaasaqarnermut Akileraartarnermullu Ataatsimiititaliamit assut isornartoqartinneqarpoq. Kiisalu atsiornissaq sioqqullugu, atsiornep nalaani kingornaluunniit kiffartuussinissamik isumaqatigiissuteqarnermi tunngavinnik annertusisitsineq pillugu Naalakkersuisut ataatsimiititaliamut paasiniaasimanninnerat immikkulluunniit ilisimatitsisuteqarsimanninnerat Aningaasaqarnermut Akileraartarnermullu Ataatsimiititaliamit sakkortuumik uparuarneqarpoq.


12. Aningaasaqarnermut Akileraartarnermullu Ataatsimiititaliap inassuteqaatai

Tamanna tunngavigalugu siunnersuut Inatsisartunit akuerineqassasoq **Aningaasaqarnermut Akileraartarnermullu Ataatsimiititaliap isumaqatigiittup inassutigaa.**

Taama oqaaseqarluni Inatsisartut Aningaasaqarnermut Akileraartarnermullu Ataatsimiititaliaata 2016-imi ilassutitut aningaasaliissutininut inatsisissatut siunnersuut aappassaaniigassanngortippaa.



Jens Immanuel, siulittaasoq



Randi V. Evaldsen



Peter Olsen

Bendt B. Kristiansen



Martha Lund Olsen



Ineqi Kielsen



Kelly Berthelsen